



# DVÆRGHAMSTER-IUTEQAARNISSAMUT ILITSERSUUT

## Uumasoq pillugu naatsumik

- Angissusia 5-11 cm, oqimaassusia 15-55 g (Roborovski minnerpaavoq)
- Ukioqalersinnaanera 1,5-3,5 år (Roborovski utoqqalinerpaasarpoq)
- Unnulernerani, unnamu ullaarorneranilu eqqumasarpoq; ullup annersaani sinittarpoq
- Ineqassaaq mikinerpaamik 80 x 40 cm toqqorfissaqarluni qallorfissaqarlunilu
- Sioqqani uffarfissaqassaaq mangiagassaqarlunilu
- Nunap iluatigut sulluliortarpoq
- Campells-it aamma qaartut nujuitsorujussuanngartarput
- Naasunik uumasuaqqanillu nerisaqarpoq
- Sapinngisamik arlaliutinneqassapput (inissamik annertuumik toqqorfissalimmik pisariaqartitsivoq)
- Sapaatip akunnerini pingasuni/sisamani naartusarpoq, 3-6-nik piaqqisarluni
- Malungiuk: Roborovski dværghamster uumasuutigiuminarneruvoq.

## Imarisai

- 1 Uumasup suussusia
- 2 Inersimasup angissusia
- 3 Ukioqqortutigilersinnaassusia
- 4 Inissaata angissusissaa ilusissaalu pillugit inassuteqaatit
- 5 Naleqqussarnissamut immikkut pisariaqartitsineq – soorlu inip kiassusia
- 6 Ukkatarinninneq aalanissamillu pisariaqartitsineq
- 7 Nerisaqartitsineq
- 8 Attaveqarneq
- 9 Kinguaassiorneq, piaqqineq, kinguaassiorsinnaajunnaarsitsineq
- 10 Nappaateqarneq iluaagisaqarnerlu
- 11 Paasissutissat allat



## 1. Uumasup suussusia

Phodopus campbelli Campbells dværghamster (Campbell's (dwarf/desert) hamster).

Phodopus sungorus Vinterhvid/russisk dværghamster (Djungarian hamster; (Russian) winter white (dwarf) hamster; Siberian hamster; Striped hairy-footed/desert hamster).

Phodopus roborovskii Roborovski dværghamster (Roborovski (dwarf/desert) hamster).

Dværghamsterit kikkaasupput (Rodentia) ilaqutariinnut Crivetidae-nut ilaallutik, tamakku artit 600 sinneqarput, ilaallutik hamsterit, studsmus-it, mark-musit, narlumukaat, mosegris, Ny Verdens rotter aamma terissat il.il.

Campells aamma dværghamsterit qaqqortut sionatigut isumaqarfigineqartarsimapput art-inut tamakkununga underart-iusut, ataatsimut taaguuteqarlutik "Sibirisk dværghamster". Nioqqutigineqarput aamma akusat (artit taakku marluk akornanni akusat), tamakkunanngali pisinissaq erniortitsinissarlu inassutigineqanngilaq (takuuk boksi imm. 9). Artit taakku marluk imminnut assigiikkaluaqalutik kinguaassioqatigiissinnaan-galuarlutillu, pinngortitami assigiinngitsuni siaruarfeqartarput, taamaattumillu nalinginnaasumik kinguaassioqatigiinneq ajorlutik.

## 2. Inersimasup angissusia

Dværghamsterit pingasuusut Roborovski mikinersaraat 5-7 cm miss. angissuseqalersinnaasoq 15-25 g. miss. oqimaassuseqalersinnaasoq. Vinterhvid dværghamster 8 cm. miss. angissuseqalertarpoq 34-50 g. miss. oqimaassuseqalersinnaalluni. Campells dværghamster 8-11 cm. miss. angissuseqalertarpoq 30-55 g. miss. oqimaassuseqalersinnaalluni. Pamiua 0,5-1,5 cm.-erisut takissuseqalersarpoq.

Vinterhvid aamma Campells dværghamsterit imminnut assigiissorujussuupput, ilutsimikkulli Campells siutikinneruvoq, qaamanerusunik kajuaarnerusunillu meqqoqarluni qasinnginnerulluni, saneqqamigullu annikinnerusumik itersisimaneqarluni, qatiggam qeqqatigut aminnerusumik taartumik qalipaateqarluni, nalinginnaasumillu niaqqumini qernertumik meqqoqassanani.

Roborovski dværghamsterit aappalorujunnerupput/kajorujunnerupput, takinulaartunillu meeqqoqarlutik artinut allanut marlunnut sanilliullugit, aammalu qatiggamigut taartumik meqqoqarani. Takuuk artit assigi imm. 4).

Artit taakku pingasut tamarmik aqajamikkut qaamasuupput (qaqorujuttumiit qasertumut qaamasumut). Vinterhvid dværghamster pinngortitamiitilluni ukiumi meqqi naannerusarput, torsunerullutik qaqorne-rullutillu. Uumasutigineqartillutillu meqqi tamatigut katanneq ajorput, aammalu ukiumiit ukiumut assigiinngissinnaalluni.

Artit taakku tamarmik qalipaatemikkut assigiinngiiaartitertunut aamma immikkoortiteqqapput, amerlasuutigullu vinterhvid aamma Campells dværghamsterit immikkoortikkuminaassinnaapput.

## 3. Ukioqqortutigilersinnaassusia

Campells aamma vinterhvid dværghamsterit 1 ½ - 2-nik ukioqqortutigilersinnaapput. Roborovski dværghamsterit 3-3½-nik ukioqqortutigilersinnaapput.

## 4. Inissaata angissusissaa ilusilernissaalu

Dværghamsterit unnulernerani/ullaanngulernerani unnuamilu eqqumasuupput, ullup annersaani iniminni sinittarlutik. Pinngortitami namminneerlutik nunami sulluliortarput sullulluunniit pioreersut inigilersarlugit siniffigisartakkaminnik nerisassamaasivigisartakkaminnillu. Dværghamsterit marlukkaartinneqarsinnaapput, nakkutigisassat nakkutigalugit – marlukkaarnerminni imminnut pissuseqaqatigiiffigisinnaaniassammata uumasoaqatiminnullu pinngortitaassuserminnik aallaaveqartumik peqateqarsinnaaniassammata (takuuk imm. 8).

Inigisaq marluusaaq minnerpaamik 80 x 40 x 35 cm. (takissusia x silissusia x portussusia) angissuseqartariaqarpoq. Inassutigineqarporli inaat atortulersugaq sulii anginerussasoq, taamaalilluni uumasoaq avatangiisimini inissaqarluarluni pisariaqartitaminillu angalaarfissaqarluni ineqarsinnaaqullugu. Inissaq angineruppat aaqqiagiinnginnermilu qimaaffissaqarneruppat uumasut arlallit tassani atugarissaarnerusinnaapput. Inissaq eqqarsaatigalugu dværghamsterinut inigitinneqartoq arlalinnik quleriutinneqarsinnaavoq, imaluunniit init arlariit sullulimmik imminnut atassuserneqarsinnaapput. Naqqata initussusia 25 %-imik anginerusariaqarpoq uumasut marluuppata. Inissiaq qulisaassaaq ungaluugartaqarluni (akulikitsunik uumasup anillaffiginiarsinnaanagaluunniit kiggiguffigisinnaanngisaanik) plastik-imik nateqartumik. Akvaria/terrarium ungaluugasiamik ammartartulik atorineqarsinnaavoq. Malunginiaqquneqarpoq pingaartumik Roborovski dværghamster eqqarsaatigalugu inissamit naliginnaasumit anillassinnaammat mikisuaraanini pissutigalugu, taamaattumillu inissat (soorlu terrariat igalaaminernik iigallit) tamakkununga innersuunnarnerupput, artinullu allanut piaralinnut aamma.

Inaata naqqa sannakuaqqanik allanilluunniit qallerneqarsinnaavoq pujoralaavallaanngitsunik, taamaappat anersaartorniarnanarut ajoqusiisinnaammata. Pitsaanerpaassaaq inigisaat issumik issusuumik nateqartinneqarpat namminneerlutik assallugu sulluliorfigisinnaasaat. Minnerpaamik inaani assaffigisinnaasaanik, soorlu karsimik issumik imalimmik peqassaaq.

Uumasumut ataatsimut minnerpaamik sullulimmik siniffigineqarsinnaasumik ataatsimik peqassaaq, asersuutigalugu qisuusinnaavoq marrarmilluunniit sanaajusinnaalluni. Ivissuit, bomuld, nestbags imaluunniit køkkenrullet equutissialluunniit immoqqavikui sinittarfiliorneri atorineqarsinnaapput, taakkulu piguarneqartariaqarput. Halmit ivissuillu qeratasuut allallu ipittumik sinaakkutilli inassutigineqanngillat, ersaanni nerukkaataasivii innarlerneqarsinnaammata. Hamsterinut vat-it sakkortuumik inassutigineqanngillat, hamsteri tassunga nermuttoorsinnaammat ajornerpaaffiani nissuni annaasinnaammagit qimissinnaalluniunniit. Kigutaai uumanera tamakkerlugu alliarortuummata kikkagassaqartitaajuassaaq, asersuutigalugu naatitat orpittaasa kanaartaannik serparsarneqarsimanngitsunik qimminulluunniit kiksini.

Inaat ima inissinneqartariaqarpoq, ulluunerani sininnerani akornusersungassaajunnaarlugu, kiisalu aamma unnuami nipilorsinnaanerat eqqarsaatigalugu. Suermik noqqoruuffiunngitsumiisinneqassaaq, nillermik toqqaannarmillu seqinermit saqerneqarsimanngitsumiisalluni, taamaattorli ulluunerani qaamarngup angumasaani, qaamaneq taarlu ullup unnuallu nikittarnera malungisinnaaniassammassuk.

Ersaani nerukkaasivianit asiujasut peerneqartassapput (panertut pinnagit) imerlu imerfianiittoq ullut tamaasa taarserneqartassaaq. Dværghamsterit iniminni aalajangersimasumik anarfigisartagaqassapput (nalinginnaasumik teqeqqumi), tamakkulu ullut tamaasa sapaatip akunnerataluunniit ingerlanerani arlaleriarluni peerneqartassapput. Inaata naqqata qalliutai ineqarfigisaalu sapaatip akunneri tamaasa taarserneqartassapput. Inigisaasali ilaat nutaanik taarsiinermi sinnikoqartilaartakkit tipi sungiusimasaa piginnaaqullugu, taamaalillutillu toqqqissisimanissaat pillugu. Qaammatip miss. inigisaa tamakkerlugu imermik kisartumik salinneqartassaaq, qaqorsaammik arrortinneqarsinnaasumik annikitsumik akulimmik.

## 5. Naleqqussarnissamut immikkut pisariaqartitsineq

Dværghamsterit inip nalinginnaasumik kissassusia ajorinngilaat, kiappallaartumiitinneqassanatilli.

Sioqqat, chinchillasand, meqquminnut saligutigisinnaasaat, akuttunngitsumik, ajornanngippalli piffissaq tamaat inaaniitinneqartariaqarput.

## 6. Ukkatarinnineq

Nerisassai assigiingitsut inaani toqqortiterneqarluarsinnaapput.

Køkkenrullenut equutissanullu immoqqavikut pappiaraasut mangiagassaqqillutillu toqqorfissaqqissuupput. Uumasuutitut nioqquteqarfinni aamma pinngussat assigiingitsut nassaarinqarsinnaapput, namminerli aamma sanasoqarsinnaavoq pinngortitami angerlarsimaffimmiluunniit nassaarinqarsinnaallutik, soorlu naasuliviit karseeqqallu. Pinngortitameersut suulluunniit imermik qalattumik kuerarneqartassapput qeritinneqartassallutilluunniit toqunartut napparsimalissutaasinnaasut peerniarlugit.

Inaa ima suliarilluarneqarsinnaavoq assallutik sulluliorsinnaatillugit, taamaalillugit uummarissarlugit pinngortitaassutsiminnilu periuserisaannik periuseqarsinnaatillugit. Ineqarfianiit aamma sullulik atorlugu pinngortitarpalaartumut atassusilerneqarsinnaavoq. Sullulikkoortarfissaat ineriikkat aamma pisiarinqarsinnaapput.

Dværghamsterit Vinterhvid aamma Campells uumasuutigiuminartuupput nujuissitikkuminarlutillu. Dværghamsterit Robovskit tunuarsimaarnerupput nujuillisikkuminaannerullutillu immikkullu sammisaralugu uumasuutissaqqinnerulluni.

Ingammik dværghamsterit Roborovskit ilisimaneqaatigaat sukkassusertik, oqaatigineqartarporlu agguaqatigiissillugu unnuap ataatsip ingerlanerani nikittarsimassasut inuup sisamariarluni maraton-imik arpannerinut sanilliunneqarsinnaasumik. Dværghamsterit nalinginnaasumik aalanissartik assut pisariaqartippaat, inissaqarluarnissartillu pisariaqartillugu (ajornanngippat quleriinni arlalinni), tamatumalu saniatigut aamma dværghamsterit nujuitsut nakkutigineqartumik inaasa avataaniitinneqarsinnaapput, aalaniassammata nu-taanillu misissugaqarniassammata. Quppaminnguit pulaffigisinnaammatigit kiggiguttoorfigisinnaallugillu aneertissagaanni matut, igalaat, sullut quppaasinnaasullu matulluarneqarsimasariaqarput. Ungalulimmii-tinnissaat pitsaaneruvoq nakkutigiuminarnerrussammata. Pangaliffissiaq assakaasoq (løbehjul, naqqulik, ungaluusamik naqqoqanngitsoq) inaani atorluarneqarsinnaavoq, taannali angisuumik ineqarnissaanut taar-taatinngisaannaruk.

## 7. Nerisaqartitsineq

Dværghamsterit pinngortitami naasunik uumasuaqqanillu nerisaqarput.

Hamsterinut nerisassiat akooriikkat pisiarinqarsinnaapput assersuutigalugu uumasuutitut niuertarfinni, taakkulu tunngaviusumik nerisartinneqassapput. Solsikkefrø aamma qaqqortarissat akorineqarpallaas-sanngillat, puallarnamik. Proteintilskud-mik tunineqarsinnaapput melorme, græshopper, manniup uusup qaqqortortaa, kukkukuuaqqap neqimerna ooqanngitsoq, aamma annikitsumik qitsuit nerisassaannik qimmillu kiksianik. Naatitat grønsagillu errortorneqarsimasut, soorlu iibilit, pærit, jordbær-it, kirsebærit kigutita-qanngitsut, fersken-erit sapaatip akunneranut marloriarluni annikitsumik nerisinneqarsinnaapput.

Dværghamsterit ersaminni pooqarput, nerisamik ilaat tassani peqqumaatigisinnaallugit. Ajornanngippat ullu tamaasa taanna alapernaasertaruk asiujasunillu tassaniittuuteqarpat imaarlugu.

## 8. Attaveqarneq

Angutiviaq arnaviarlu peqatigiilluarsinnaasarput (kinguaassiorsinnaasarlutillu), suaiaassuseqatigiilli akunnerminni sakkortuuliorfigisinnaasarput, ilaannikkut ajorluinnartumik kinguneqarsinnasartumik, ingammik inigisaq mikisimappat toqqorfissaqarpiaranilu. Inissaqarluarnissaq toqqorfissaqarnissarlu taamaammat pingaartuupput dværghamsterit arlaliutinniaaraanni.

Uumasoaqatigiit ataatsimoortinniaaraanni tamanna pisariaqarpoq sapaatip akunnerini arfineq pingasuni utoqqaassuseqalersinnagit, ingammik suaiaassuseqatigiisimappata. Uumasoaqatigiit arlaliutinneqarniarpata eqqumaffigineqassaaq imminnut annersaatissanngimmata imminnulluunniit uippakajaartissanngimmata – ingammik suaiaassuseqatigiit nakkutigineqartariaqarput. Kamaateqattaarneri qaqutigoorpata sivikittukulakkaarpatalu tamanna nalinginnaasumik ajornartorsiutaanngilaq, malungalugu uumasut inissaqarluarpata imminnullu qimallutik toqqorfissaqarluarpata. Kamaateqattaarneralli akulikillunilu sivilisuuik pippat, taava immikkut inilerneqartariaqarput imminnut uippakajaartinnerat kipitinniarlugu.

Uumasut immikkut ineqartinnissaat pisariaqasappat, taava sapinngisamik uumasoaqataanut (art-eqataanut) attaveqartinneqartariaqarpoq akuttunngitsumik, uumasoaqatigiittut pissuseqarfiginissaat qulakkeerniarlugu. Tamanna anguneqarsinnaavoq inigisaat sanileriisinnerisigut, imminnut takusinnaatillugit, tusaasinnaatillugit, naamatisinnaatillugit attorsinnaatillugilluunniit arlaannaataluunniit iniginngisaani – nakkutigalugit – inissaqarluartumi, qimaaffissaqarluartumilu.

Uumasut sivikinnerusumi sivilisunerusumiluunniit imminnut akaareqatigiissinnaangaluarunilluunniit tassangaannartumik imminnut saassuteriataarsinnaapput, avissaartillugillu immikkut inaannut isertinneqartariaqarlutik – taamaammat uumanerat tamakkerlugu alaatsinaattakkit marlooaqatigiinnerminni arlaliunerminni akaareqatigiinnerat. Uumasut kinguaassioartitsineri atorleqartut attaveqarniarnerminni pissusertik ineriartortittarpaat kinguaassioarniarnerminni.

Dværghamsterit isigiarsuttuupput, naamasaasertik atorlugu imminnut attaveqatigiinnerusartut, aamma sumiissusersiornerminni atortakkaminnik. Qinersinit tipi (qinerseq naavaniitoq) quumi anaani pisoq nalunaqutsersuutitut atortarpaat.

Artit taakku pingasut tamarmik immikkut arteqatiminnik taamaallaat peqateqartinneqartariaqarput, taamaattumillu dværghamster-artit allat ataatsimoortinneqartariaqaratik.

## 9. Kinguaassiorneq, piaqqineq, kinguaassiorsinnaajunnaarsitsineq

Campells dværghamsterit pinngortitamitillutik kinguaassioartarnerat assigiinngilaq, apequtaasarluni sumiinnerat. Uumasuutigineqartillutilli ukioq kaajallallugu kinguaassiorsinnaapput. Artimi tassani angutiviaq suleqataasarpooq arnavissap naartunerata nalaani piaqqereerneratalu kingorna nerisassanik inaanukaassisararluni, piaqqallu paarisarlugit anaanaasup peqannginnerani. Vinterhvid dværghamster nalinginnaasumik april-imiit september-imut piaqqiffeqartarpoq, ukiorsiumminnik meqqoqartillutik piaqqineq ajoramik.

Campells aamma vinterhvid dværghamsterit 3-6-nik qaammateqaleraangamik piaqqisinaalersarput, ulluni 18-21-ini naartusarlutik, nalinginnaasumillu 4-6-nik piaqqisarlutik. Roborovski dværghamsterit kingusinnerulaartukkat naartulersarput, sivilisunerusumillu piaqqisarlutik, ulluni 23-30-ni naartusarput, nalinginnaasu-



millu 3-5-nik piaqqisarlutik. Dværghamsteri piaqqereermik kinguneralaannguatigut naartoqqilersinnaapput, qaammatinili marlunni sivisunerusumiluunniit atoqatigiissinnaveersimatittariaqarput.

Erniarineqarnerminni meqqaqarneq ajorput, isigisaqaratik tusaasaqaratillu. Arnaviaq naartunermi milutsinermilu nalaani uumasoaqatiminut inunnullu qaasunnerusarpoq, piffissamilu tamatumani eqqissisimatineqartariaqarpoq. Campells dværghamsterit ulorianartorsiortutut misigisimaguni, pissutsilluunniit ajorpata toqqissisimanaratillu, piaqqani nerisinnaavai. Piaqqat 21-25 miss. ulloqaleraangamik nammineertinniarneqalersarput (Roborovski dværghamsterit kingusinnerusukkut), arnaminnillu avissaartinneqartariaqarlutik. Piaqqalli arnaminnit avissaartinneqartariaqanngillat tamakkiisumik nammineersinnaalersimanngippata.

## 10. Nappaateqarneq iluaagisaqarnerlu

Nerisassat sukkullit pinaveersimatikkitt, puallarpallaarsinnaammata sukkornermillu nappaateqalersinnaammata.

Dværghamsterit kikkartut allat assigalugit anersaartuutimikkut aseruuttooqqajaasuupput toqussutigisinaasaminnik, nillerpallaartumiisinneqarunik noqqoruutsiffsuallaartumiitinneqarunillu. Tamanna takussutissaqalersarpoq anersaartorniarnerat allanngorpat tangajoqattaalernerisigulluunniit. Taamaattumik inigisaat tamatigut panertumiitinneqarlunilu noqqoruuffiunngitsumiitinneqartassaaq.

Timmilerpata tamanna pissuteqarsimassaaq naatitanik nutaanik annertuallaamik nerisaqarsimanerannik aammalu nerisat assigiinngitsut sukkavallaamik nikerartinneqarsimanerannik. Taamaalippat tunngaviusumik nerisassaak akooiikkat kisiisa ulluni marlussunni nerisitarikkitt, taava iluarsissapput.

Mikisunnguunertik pissutigalugu napparsimalerunik sukkasuumik peqqiilliulersarput – taamaammat dværghamster napparsimasorilerukku piaartumik uumasut nakorsaanukaatissavat.

## 11. Paasisutissat allat

**Siaruarsimamera sumiiffilu:**

Campells dværghamsterit Aasiap qiterpasissortaani narsarsuarni inoqajuitsuni aammalu Kinap avannamut kangisissortaani qaqqartuumi siaruarsimavoq. Inoqarfiusunili aamma siumorneqarsinnaalluni.

Vinterhvid dværghamster Aasiap kippasinnerusortaani panertumi, Campells dværghamsterit siaruarfigisimasaata avannamut kippasissortaani siaruarsimavoq.

Roborovski dværghamsterit Gobip inoqajuitsuani aamma Aasiap qiterpasissortaani panertumi siaruarsimavoq. Siaruarsimaffiata ilaa Campells dværghamsterit siaruarsimaffiata ilaaniippoq, aammili kippasinnerusumut killiffeqarluni.



QUJANAQ ILITSERSUUT UNA ATUARAKKU.  
APEQQUTISSAQARUIT KALAALLIT NUNAANNI UUMASUT IKINNGUTAI  
APERIIN-NARSINNAAVATIT.

[WWW.DYRENESVENNER.GL](http://WWW.DYRENESVENNER.GL)